

Broj: 01-01.3-4644-7/17 S.L.

Datum: 16.03.2018 godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakona), te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-4644-6/17 S.L. od 16.03.2018. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o poništenju postupka javne nabavke
u otvorenom postupku

I

Poništava se postupak broj: 01-01.3-4644/17 S.L. skupa sa Obavještenjem o nabavci broj: 266-1-1-475-3-177/17 objavljenim na Portalu javnih nabavki dana 21.12.2017. godine koji se provodi putem otvorenog postupka, a koji se odnosi na isporuku roba: "Nabavka robotskih i ručnih kosilica za potrebe održavanja" u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva. Za ovaj postupak bilo je predviđeno je provođenje e-aukcije.

II

Ponuda ponuđača grupe ponuđača "Džida" d.o.o. Čitluk i "PADINA" d.o.o. Grude se odbija u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete lične sposobnosti, kvalifikacione uvjete sposobnosti obavljanja profesionalne djelatnosti i kvalifikacione uvjete tehničke i profesionalne sposobnosti, ponuda ne ispunjava zahtjeve iz tenderske dokumentacije.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 25. Zakona o javnim nabavkama, pokrenulo otvoreni postupak broj: 01-01.3-4644/17 S.L. za isporuku roba: „Nabavka robotskih i ručnih kosilica za potrebe održavanja“. Na Portalu javnih nabavki objavljeno je Obavještenje o nabavci 266-1-1-475-3-177/17 dana 21.12.2017. godine.

Za ovaj postupak bilo je predviđeno je provođenje e-aukcije.
Kriterij za dodjelu ugovora je „najniža cijena“.



Handwritten signature or initials.

Na osnovu Obavještenja o nabavci i tenderske dokumentacije zakazano je javno otvaranje ponuda dana 16.01.2018. godine u 11:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Adema Buća 20, Mostar, što je konstatirano u zapisniku o otvaranju ponuda u skladu sa Zakonom. Komisija je na javnom otvaranju ponuda konstatirala da su svoju ponudu predao (1) jedan ponuđač.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno prijedlogu i preporuci Komisije za javne nabavke poništava se otvoreni postupak za isporuku roba: „ Nabavka robotskih i ručnih kosilica za potrebe održavanja“ u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

Ponuda ponuđača grupe ponuđača “Džida” d.o.o. Čitluk i “PADINA” d.o.o. Grude se odbija u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete lične sposobnosti, kvalifikacione uvjete sposobnosti obavljanja profesionalne djelatnosti i kvalifikacione uvjete tehničke i profesionalne sposobnosti, ponuda ne ispunjava zahtjeve iz tenderske dokumentacije;

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**izvršni direktor
za upravljanje i održavanje:**

.....
Marin Jelčić, dip.ing.saob.

direktor:

.....
Adnan Terzić, dipl.ing.

Dostaviti:

- ponuđačima koji su predali ponude
- a/a



AB

Broj: 01-01.3-4644-6/17 S.L.
Datum: 16.03.2018. godine

Sastanci održani 16.01.2018., 08.02.2018 i 12.03.2018. godine u prostorijama JP "Autoceste FBiH" d.o.o. Mostar.

Ugovorni organ je pokrenuo otvoreni postupak za dostavu ponuda koji se sprovodi u skladu sa članom 25. Zakona o javnim nabavkama.

Sastancima prisustvuju sva tri člana komisije imenovane rješenjem broj: 01-01.3-4644-3/17 S.L. od 09.01.2018. godine.

U skladu sa članom 65. Zakona o javnim nabavkama („Službeni glasnik BiH", broj 39/14), članom 18. Uputstva za pripremu modela tenderske dokumentacije i ponuda i članom 14. Pravilnika o javnim nabavkama JP „Autoceste FBiH" d.o.o. Mostar, Komisija dostavlja:

**ZAPISNIK O PREGLEDU I OCJENI PONUDA
u otvorenom postupku**

- a) Naziv i sjedište ugovornog organa: JP "Autoceste FBiH" d.o.o. Mostar;
- b) Predmet nabavke: Isporuka roba: „Nabavka robotskih i ručnih kosilica za potrebe održavanja“;
- c) Evidencijski broj nabavke: 01-01.3-4644/17 S.L. od 02.11.2017. godine;
- d) Vrsta postupka javne nabavke: Otvoreni postupak;
- e) Broj obavještenja o nabavci sa Portala javnih nabavki: 266-1-1-475-3-177/17 objavljeno na Portalu javnih nabavki dana 21.12.2017. godine;
- f) Datum početka pregleda i ocjene ponuda: Komisija je počela da pregleda ponude 16.01.2018. godine;
- g) Naziv i sjedište svih ponuđača, prema redoslijedu zaprimanja ponuda:
 1. Grupa ponuđača: "Džida" d.o.o. Čitluk i "PADINA" d.o.o. Grude koji je ponudio cijenu u vrijednosti 180.000,00 KM bez uračunatog popusta i bez uračunatog PDV-a;
- h) Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:
 1. Ponuđač/i: "Džida" d.o.o. Čitluk (nositelj grupe ponuđača) i "PADINA" d.o.o. Grude je/su preuzeo/li tendersku dokumentaciju preko sistema "E-nabavke". Ponuda Grupe ponuđača: "Džida" d.o.o. Čitluk i "PADINA" d.o.o. Grude je uredno zapakovana, obrasci popunjeni, cijena bez PDV-a i popusta upoređena u obrascima Aneks 2 i Aneks 3, identična u oba obrasca.
- i) Procijenjena vrijednost nabavke: 180.000,00 KM bez uračunatog PDV-a;
- j) Analitički prikaz traženih i dostavljenih dokumenata na osnovu koji se utvrđuje postojanje ili razlozi isključenja ponuđača:



ANALIZA, PREGLED I OCJENA PONUDA		NAZIV PONUDAČA
R. B.	„Nabavka robotskih i ručnih kosilica za potrebe održavanja“	Grupa ponuđača: "Džida" d.o.o. Čitluk i "PADINA" d.o.o. Grude
a.	Kvalifikacioni uvjeti (uvjet/dokaz):	
1.	<p>Lična sposobnost. Uvjet: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.;</p> <p>a) Dokaz: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije;</p>	+ -
2.	<p>-pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona i/ili da su registrirani za obavljanje predmetne djelatnosti u relevantnim profesionalnim ili trgovačkim registrima;</p> <p>-u svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registriran ili da obezbijedi posebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije;</p>	+ -
3.	<p>Ekonomska i finansijska sposobnost, u skladu sa članom 47. Zakona, od ponuđača se traže slijedeći uvjeti ekonomske i finansijske sposobnosti: Uvjet: a) Pozitivno finansijsko poslovanje u protekle dvije (2) godine, Dokaz: Ocjena ekonomske i finansijske sposobnosti ponuđača će se izvršiti na osnovu dostavljene Izjave ovjerene od strane ponuđača, koja se dostavlja u formi utvrđenoj Aneksom 7 tenderske dokumentacije i dostavljene obične kopije slijedećih dokumenata: a) poslovni bilanci uspjeha ili izvodi iz poslovnih bilansa za posljednje dvije finansijske godine, odnosno od početka poslovanja u predmetnom segmentu, ako je ponuđač registrovan, odnosno počeo sa radom prije manje od dvije godine, ukoliko je objavljivanje poslovnog bilansa zakonska obaveza u zemlji u kojoj je ponuđač registrovan. Ako ne postoji zakonska obaveza objave bilansa, ponuđač će dostaviti izjavu ovjerenu od strane nadležnog organa;</p>	+ +
4.	<p>- tehničku i profesionalnu sposobnost u skladu sa članom 49. Zakona a to su:</p> <p>a) da ponuđač posjeduje uspješno iskustvo u realiziranju najmanje jednog ugovora, čiji je karakter i obim isti ili sličan robama, koje su predmet nabavke, u iznosu od minimalno 150.000,00 KM u prethodne tri godine;</p> <p>b) da su ponuđeni proizvodi (svi proizvodi navedeni u Obrascu za cijenu ponude - robe – Aneks 3); originalni, novoprodukcioni i (prve) kvalitete usklađeni sa traženim tehničkim i funkcionalnim karakteristikama, sve prema Tehničkim karakteristikama-- Aneks 13;</p> <p>c) da ispunjavaju uvjet da su ovlašteni od strane proizvođača predmetne robe ili od strane ovlaštenog Importera/zastupnika da vrše prodaju samohodnih kosilica s daljinskim upravljanjem;</p> <p>d) da ispunjavaju uvjet da su ovlašteni od strane proizvođača predmetne robe ili od strane ovlaštenog Importera/zastupnika da vrše prodaju ručnih kosilica;</p> <p>e) da će ponuđač obezbijediti ovlaštene servis/e na prostoru Bosne i Hercegovine, tehnički opremljene i kadrovski osposobljene za servisiranje ponuđenih samohodnih kosilica s</p>	



Identifikacijski broj: 4227891540005 PDV Broj: 227691540005
 Glavni račun: Union banka Sarajevo 1020010030014039
 Transakcijski račun: Raiffeisen bank dd Sarajevo, glavna filijala Mostar 1610200082470038
 Federalna taksa za korištenje autocesta: 1610200082470232 i 3386802296565422
 Naknada za korištenje cestovnog zemljišta: 1610200082470135 i 3386902296564549

115

<p>daljinskim upravljanjem;</p> <p>f) da će ponuđač obezbijediti ovlaštene servis/e na prostoru Bosne i Hercegovine, tehnički opremljene i kadrovski osposobljene za servisiranje ponuđenih ručnih kosilica;</p> <p>g) da ponuđač prihvata postupak kontrole robe složenije vrste ili robe koja izuzetno treba da služi nekoj posebnoj svrsi, koju sprovodi Naručitelj ili u njegovo ime nadležna institucija, a koja se odnosi na provjeru kontrole kvaliteta isporučene robe;</p> <p>Ocjena tehničke i profesionalne sposobnosti ponuđača će se izvršiti na osnovu jednog ili više dokaza:</p>	
<p>a) spisak uspješno izvršenih ugovora o isporučenim robama, koje su predmet nabavke (isporuka kosilica i prateće opreme i/ili vozila i radnih mašina za održavanje cesta) u posljednje 3 (tri) godine, ili od datuma registracije, odnosno početka poslovanja, ako je ponuđač registriran, odnosno počeo da radi prije manje od tri godine.</p> <p>Uz spisak izvršenih ugovora ponuđač je dužan dostaviti minimalno jednu potvrdu za isporučene robe (isporuka kosilica i prateće opreme i/ili vozila i radnih mašina za održavanje cesta), a koje su izdali krajnji korisnici - naručitelji roba u vrijednosti od 150.000,00 KM, a koja obavezno sadrži naziv i sjedište ugovornih strana ili privrednih subjekata, predmet ugovora, vrijednost isporučenih roba, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda obezbijedi;</p>	+
<p>b) Izjava ovjerenih od strane ponuđača da ponuđači ispunjavaju ostale uvjete tehničke i profesionalne sposobnosti navedene u tački 7.4.1. (b) do e)). Izjava se dostavlja u formi utvrđenoj Aneksom 8 tenderske dokumentacije;</p>	+
<p>Uz Izjavu ponuđači su dužni dostaviti:</p>	
<p>- opise i fotografije za sve stavke robe/opreme navedene u Obrascu za cijenu ponude (Aneks 3) i Tehničkim karakteristikama – Aneks 13. Fotografija može biti original ili fotografija iz kataloga, kopija fotografije sa web stranice ili sl. U opisu opreme moraju biti navedene sve tražene tehničke karakteristike u skladu s traženim tehničkim karakteristikama, navedenim u Aneksu 13. Ponuđač može dostaviti i kataloge, dijelove kataloga, važeća uvjerenja/potvrde/certifikate/ateste ili izvještaje ili Izjave o sukladnosti proizvođa izdate od strane ovlaštene institucije (mogu i izvještaji sa internet stranice proizvođača). Traženi dokumenti moraju predstavljati najrelevantniji dokaz o tehničkim karakteristikama ponuđene robe iz kojih će biti vidljivo da roba zadovoljava sve tražene tehničke i funkcionalne karakteristike. Ako se radi o dokumentima koji su na nekom drugom jeziku, oni moraju biti dostavljeni sa prevodom na jedan od službenih jezika u BiH;</p>	+/-
<p>- kopija autorizacija, potvrda, certifikata, uvjerenja ili slično izdatih od strane proizvođača ili od strane ovlaštenog Importera/zastupnika (samohodnih kosilica s daljinskim upravljanjem i ručnih kosilica) da je ponuđač ovlašten za prodaju, te da ima na raspolaganju ovlaštenu servis na području BiH (za ponuđene samohodne kosilice s daljinskim upravljanjem) i da ima na raspolaganju ovlaštenu servis na području BiH (za ručne kosilice);</p>	+/-
<p>Ponuđač je dužan dostaviti u sastavu ponude originale ili ovjerene kopije dokumenata kojima dokazuje ispunjenost uvjeta tehničke i profesionalne sposobnosti traženih u tački 7.4.1 podtačka a).</p> <p>Za dokazivanje ispunjenosti uvjeta tehničke i profesionalne sposobnosti navedenih pod podtačkama b) do e), ponuđač dostavlja Izjavu ovjerenju od strane ponuđača u skladu sa obrascem datim u Aneksu 8 ove tenderske dokumentacije. Dokumente u prilogu Izjave ponuđač dostavlja u originalu ili običnoj kopiji traženih dokumenata, a čiju je vjerodostojnost ponuđač dužan potvrditi ako to Naručitelj bude zahtijevao od njega.</p>	
<p><i>Napomena: Ponuđač može u ponudi naznačiti da raspolaže kapacitetima drugih subjekata, bez obzira na pravnu prirodu odnosa koji s njima ima. U tom slučaju, mora dokazati da će na raspolaganju imati potrebne resurse nužne za izvršenje ugovora (obostrano potpisanim ugovorom, sporazumom, izjavom ili sl. iz kojih će nedvojbeno biti jasno da su navedeni resursi stavljeni na raspolaganje ponuđaču).</i></p>	
<p>U slučaju da ponudu dostavlja grupa ponuđača, Naručitelj će ocjenu ispunjenosti kvalifikacionih uvjeta od strane grupe ponuđača izvršiti na slijedeći način:</p> <p>- grupa ponuđača kao cjelina mora ispuniti uvjete koji su navedeni u tački tački 7.4.1. ove tenderske dokumentacije, te članovi grupe ponuđača moraju dostaviti dokumentaciju kojom</p>	+/-



	<p>dokazuju ispunjenost postavljenih uvjeta, na način na koji su predviđeni da se dostavljaju dokazi;</p> <p>- uvjet naveden po tačkom 7.3.1 mora ispunjavati minimalno nositelj grupe ponuđača/konzorcija, dok uvjete koji su navedeni pod tačkom 7.1.1, 7.2.1, i 7.6.1 mora ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuje ispunjenost postavljenih uvjeta, na način na koji su predviđeni da se dostavljaju dokazi;</p> <p>Grupa ponuđača je udruženje dva ili više ponuđača koje je pravovremeno dostavilo zajedničku ponudu. U slučaju dostavljanja zajedničke ponude, članovi grupe ponuđača dužni su dostaviti Izjavu o zajedničkoj ponudi. Izjava o zajedničkoj ponudi sadrži naziv i sjedište svih ponuđača koji učestvuju u zajedničkoj ponudi, naziv i sjedište nositelja ponude-glavnog ponuđača (nositelj je dužan preuzeti tendersku dokumentaciju kroz sistem "E-nabavke"), ime i prezime osobe/osoba ovlaštenih za potpisivanje zajedničke ponude, ime i prezime osobe/osoba ovlaštenih za potpisivanje ugovora i potpise i pečate svih članova grupe ponuđača, te navode ponuđača iz zajedničke ponude o solidarnoj odgovornosti članova grupe ponuđača.</p> <p>Grupa ponuđača koja želi učestvovati u ovom otvorenom postupku javne nabavke dužna je dostaviti original ili ovjerenu kopiju pravnog akta o udruživanju u grupu ponuđača radi učešća u postupku javne nabavke, u roku od 5 dana od dana prijema odluke o izboru najpovoljnije ponude. Navedeni pravni akt mora sadržavati: pojedinačne podatke o članovima grupe ponuđača sa tačnim identifikacionim elementima; navod o pravu istupa u ime grupe ponuđača, predstavljanja i ovlaštenje za potpisivanje ugovora u ime grupe ponuđača kao i utvrđenu solidarnu odgovornost između članova grupe ponuđača za obaveze koje preuzima grupa ponuđača. Ukoliko ponuđač ne dostavi definisani pravni akt sa definisanom sadržinom, ugovor će se dodijeliti sljedećem ponuđaču sa rang liste.</p>	<p>+</p> <p>+/-</p> <p>+/-</p> <p>+/-</p> <p>-</p>
b.	Ispunjenost uvjeta u pogledu dostavljanja svih potrebnih dokumenata prema sadržaju ponude:	
1.	Pravilno popunjen obrazac za ponudu koji je dat u Aneksu 2 tenderske dokumentacije, odnosno obrazac koji sadrži sve elemente definisane Aneksom 2;	+
2.	Pravilno popunjen obrazac za cijenu ponude koji je dat u formi kao Aneks 3 tenderske dokumentacije;	-
3.	Izjava o zajedničkoj ponudi ukoliko ponudu predaje grupa ponuđača;	-
4.	Bankarska garancija za ozbiljnost ponude;	+
	Kvalifikacioni dokumenti predviđeni tačkom 7. TD:	
	-Izjava o ispunjenosti uvjeta iz člana 45. stav (1) tačke a) do d), u skladu sa formom Izjave datoj u Aneksu 5;	+ -
	-ovjerene kopije dokumenata kojima ponuđač dokazuje ispunjenost uvjeta iz člana 46. stav (1) do (2) (dokaz o registraciji ponuđača: izvod iz sudskog registra ili rješenje o registraciji ili sl.);	+ -
	-Izjave i potvrde kojima ponuđač dokazuje ekonomsku i finansijsku sposobnost u skladu sa tačkom 7.3:	
	-Izjava o ispunjavanju uvjeta ekonomske i finansijske sposobnosti – Aneks 7,	+
	-Kopija Bilansa uspjeha za protekle dvije godine,	+
5.	- Izjave i potvrde kojima ponuđač dokazuje tehničku i profesionalnu sposobnost u skladu sa tačkom 7.4:	
	➤ Spisak uspješno izvršenih ugovora o isporučeni robama	+
	➤ Uz spisak izvršenih ugovora ponuđač je dužan dostaviti minimalno jednu potvrdu za isporučene robe (u skladu s Aneksom 10) i potvrdu za minimalno 1 uspješno izvršen ugovor, Izjava o ispunjavanju uvjeta tehničke i profesionalne sposobnosti – Aneks 8, Fotografije i opise (kataloge ili sl., te kopije autorizacije za samohodne i ručne kosilice, kopije izjava proizvođača ili ovlaštenih zastupnika da će obezbijediti ovlašteni servis na prostoru BiH za samohodne kosilice i za ručne kosilice)	+/-
	➤ Ovlaštenja za prodaju predmetne robe i Izjave o obezbjeđenju servisa na području BiH;	-
	-Izjava o sukobu interesa čl. 52 Zakona (Aneks 9)	+ -
6.	Obrazac povjerljivih informacija, u skladu sa Aneksom 4 – ukoliko ih ponuđač ima;	-
7.	Potpisan nacrt ugovora - koji je sastavni dio tenderske dokumentacije kao Aneks 6;	+
8.	Popunjene, parafirane i opečaćene Tehničke karakteristike – Aneks 13	+/-
9.	U svrhu dokazivanja da ispunjavaju uslove za primjenu preferencijalnog tretmana domaćeg ponuđači su dužni dostaviti: Izjavu kojom potvrđuju da kje privredni subject registriran u BiH i da najmanje 50% radne snage za izvršenje ugovora su rezidenti iz BiH. Izjava je data u sklopu Aneksa 2 – Obrazac za dostavljanje	+
		ne ispunjava



	ponude zaokruživanjem predloženog stanja ponuđača u Izjavi ponuđača, koje se odnosi na preferencijalni tretman. Ukoliko ponuđač ne zaokruži nijedno stanje smatraće se da ponuđač ne ispunjava uvjete za primjenu preferencijalnog tretmana domaće;	
10	Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište ponuđača podnosilac ponude nema pečat;	+
11	Ponuda mora biti potpisana od strane odgovorne osobe za predstavljanje ponuđača (navedenom u Izvodu iz sudskog registra, rješenju o registraciji) ili osobe ovlaštene od strane odgovorne osobe ponuđača pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje članova grupe ponuđača;	+
14	Popis dokumentacije koja je priložena uz ponudu.	+
c.	Prikaz prihvatljivosti ponuda prema obliku, sadržaju i potpunosti i ostalih uvjeta iz tenderske dokumentacije	
1.	Uvezana u cjelinu /knjiga, obezbjeđena jemstvenikom/	+
2.	Ponuda napisana neizbrisivom tintom	+
3.	Pravilno numerirana ponuda	+
4.	Ponuda napisana na jednom od službenih jezika u BiH	+
5.	Dostavljena kopija ponude	+
6.	Ispravke u ponudi	-
7.	Računske greške	+
8.	Izmjene/dopune ponude i odustajanje od ponude	-
9.	Izražena namjera podugovaranja	-
10	Cijena ponude u okviru procjenjene vrijednosti	+
11	Ispunjenost zahtjeva u pogledu opisa predmeta nabavke i tehničkih specifikacija	-
12	Prihvatljivost ponude (da/ne)	NE

Objašnjenje oznaka: "+" (da, dostavljeno/postoji, pravilno popunjeno) "-" (ne, nije dostavljeno / ne postoji, nije pravilno popunjeno), "n/p" - nije primjenjivo

k) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

Grupa ponuđača: "Džida" d.o.o. Čitluk i "PADINA" d.o.o. Grude ispunjava uvjete ekonomske i finansijske sposobnosti u skladu sa članom 47. Zakona; djelomično ispunjava kvalifikacione uvjete lične sposobnosti iz člana 45. Zakona; djelomično ispunjava kvalifikacione uvjete sposobnosti obavljanja profesionalne djelatnosti iz člana 46. Zakona te djelomično ispunjava kvalifikacione uvjete tehničke i profesionalne sposobnosti iz člana 49. Zakona:

-Grupa ponuđača: "Džida" d.o.o. Čitluk i "PADINA" d.o.o. Grude nije dostavio dokaze da ispunjava kvalifikacione uvjete lične sposobnosti iz člana 45. Zakona za člana grupe ponuđača "PADINA" d.o.o. Grude, što je u suprotnosti sa tačkom 7.1.1., 7.1.2 i 7.5.1 tenderske dokumentacije

"... ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije;"

"...uvjete koji su navedeni pod tačkom 7.1.1, 7.2.1, i 7.6.1 mora ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuje ispunjenost postavljenih uvjeta, na način na koji su predviđeni da se dostavljaju dokazi;"

-Grupa ponuđača "Džida" d.o.o. Čitluk i "PADINA" d.o.o. Grude nije dostavio dokaze da ispunjava kvalifikacione uvjete sposobnosti obavljanja profesionalne djelatnosti iz člana 46. Zakona za člana grupe ponuđača "PADINA" d.o.o. Grude, što je u suprotnosti sa tačkom 7.2.1, 7.2.2 i 7.5.1 tenderske dokumentacije.



AS

"U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. **Dokazi koji se dostavljaju moraju biti originalni ili ovjerene kopije.**"

"...uvjete koji su navedeni pod tačkom 7.1.1, 7.2.1, i 7.6.1 mora ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuje ispunjenost postavljenih uvjeta, na način na koji su predviđeni da se dostavljaju dokazi;"

-Grupa ponuđača "Džida" d.o.o. Čitluk i "PADINA" d.o.o. Grude je propustio dostaviti i posebnu pisanu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci za člana grupe ponuđača "PADINA" d.o.o. Grude, što je u suprotnosti sa tačkom 7.6.1 i 7.5.1 tenderske dokumentacije:

"Ponuđač je dužan uz ponudu dostaviti i posebnu pisanu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog tenderskoj dokumentaciji (Aneks 9)."

"...uvjete koji su navedeni pod tačkom 7.1.1, 7.2.1, i 7.6.1 mora ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuje ispunjenost postavljenih uvjeta, na način na koji su predviđeni da se dostavljaju dokazi;"

-U ponudi grupe ponuđača nije pravilno popunjen Obrazac za cijenu ponude-robe (Aneks 3), pošto ponuđač u tabeli nije popunio kolonu "Naziv i tip proizvoda i naziv proizvođača" što je u suprotnosti sa tačkom 6.1.1 tenderske dokumentacije "...Ponuđač je obavezan u ponudi dostaviti u cijelosti popunjen Obrazac za cijenu ponude – Aneks 3 i Tehničke karakteristike – Aneks 13..."

-Grupa ponuđača djelomično ispunjava kvalifikacione uvjete tehničke i profesionalne sposobnosti iz člana 49. Zakona:

Naime, na stranici 7. ponude - Aneks 13 u tabeli za Samohodnu kosilicu sa daljinskim upravljanjem TIP I ponuđeni proizvod ne zadovoljava traženi kriterij u stavci 12.: Zahtjevana je težina max.250 kg - ponuđena 278 kg, što je u suprotnosti sa traženim tehničkim karakteristikama.

Dalje na stranici 8. - Aneks 13 ponude u tabeli za Samohodnu kosilicu sa daljinskim upravljanjem TIP II ponuđeni proizvod ne zadovoljava traženi kriterij u stavci 12.: Zahtjevana je težina max.350 kg - ponuđena 367 kg, što je u suprotnosti sa traženim tehničkim karakteristikama.

-Grupa ponuđača nije dostavio ni kataloge za stavke 1.2 Samohodnu kosilicu sa daljinskim upravljanjem TIP II i 1.3. za Prikolicu za transport kosilica što je u suprotnosti sa 7.4.2 b) tenderske dokumentacije:

"**Izjava ovjerenih od strane ponuđača da ponuđači ispunjavaju ostale uvjete tehničke i profesionalne sposobnosti navedene u tački 7.4.1. (b) do e)). Izjava se dostavljaju u formi utvrđenoj Aneksom 8 tenderske dokumentacije;**

Uz Izjavu ponuđači su dužni dostaviti:

- opise i fotografije za sve stavke robe/opreme navedene u Obrascu za cijenu ponude (Aneks 3) i Tehničkim karakteristikama – Aneks 13. Fotografija može biti original ili fotografija iz kataloga, kopija fotografije sa web stranice ili sl. U opisu opreme moraju biti navedene sve tražene tehničke karakteristike u skladu s traženim tehničkim karakteristikama, navedenim u Aneksu 13. Ponuđač može dostaviti i kataloge, dijelove kataloga, važeća uvjerenja/potvrde/certifikate/ateste ili izvještaje ili Izjave o sukladnosti proizvoda izdate od strane ovlaštene institucije (mogu i izvještaji sa internet stranice proizvođača). Traženi dokumenti moraju predstavljati najrelevantniji dokaz o tehničkim karakteristikama ponuđene robe iz kojih će biti vidljivo da roba zadovoljava sve tražene tehničke i funkcionalne karakteristike. Ako se radi o dokumentima koji su na nekom drugom jeziku, oni moraju biti dostavljeni sa prevodom na jedan od službenih jezika u BiH;"



Handwritten signature or initials.

Dakle, ponuda grupe ponuđača "Džida" d.o.o. Čitluk i "PADINA" d.o.o. Grude se odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete lične sposobnosti, kvalifikacione uvjete sposobnosti obavljanja profesionalne djelatnosti i kvalifikacione uvjete tehničke i profesionalne sposobnosti, ponuda ne ispunjava zahtjeve iz tenderske dokumentacije.

l) Prikaz traženih i dostavljenih garancija za ozbiljnost ponude, ako je traženo:

Dostavljena garancija za ozbiljnost ponude.

m) Podaci o pojašnjenju ponuda u skladu sa članom 68. stav (3) Zakona:

Nije traženo pojašnjenje ponuda.

n) Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:

U ponudi nisu vršene ispravke.

o) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:

Ponuda ne ispunjava zahtjeve u pogledu opisa predmeta nabavke i tehničkih specifikacija;

p) Podaci o ispravkama računskih grešaka u ponudama ako ih je bilo:

U ponudi je uočen niz računskih grešaka, ali ugovorni organ nije tražio suglasnost sa ispravkom računskih grešaka jer je ponuda neprihvatljiva;

q) Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:

1. Ponuda ponuđača grupe ponuđača "Džida" d.o.o. Čitluk i "PADINA" d.o.o. Grude se odbija u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete lične sposobnosti, kvalifikacione uvjete sposobnosti obavljanja profesionalne djelatnosti i kvalifikacione uvjete tehničke i profesionalne sposobnosti, ponuda ne ispunjava zahtjeve iz tenderske dokumentacije;

r) Razlog za odbijanje ponude zbog neprirodno niske cijene: Nije primjenjivo;

s) Analiza prihvatljivih ponuda prema kriteriju za izbor ponude: Nije primjenjivo;

t) Rangiranje prihvatljivih ponuda prema kriteriju za izbor ponude: Nije primjenjivo;

u) Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 66/16): Nije primjenjivo;

v) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: Nije primjenjivo;

w) Podaci o dijelu ugovora koji se daje u podugovor i podaci o podizvođaču: Nije primjenjivo;

x) Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci: Nije primjenjivo;

y) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:

Komisija jednoglasno daje prijedlog direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese Odluku:

-o poništenju otvorenog postupka za nabavku roba „Nabavka robotskih i ručnih kosilica za potrebe održavanja“ u skladu sa članom 69. stav 2) tačka d), jer nijedna od primljenih ponuda nije prihvatljiva;

-da se ponuda grupe ponuđača "Džida" d.o.o. Čitluk i "PADINA" d.o.o. Grude odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete lične sposobnosti, kvalifikacione uvjete sposobnosti obavljanja profesionalne djelatnosti i kvalifikacione uvjete tehničke i profesionalne sposobnosti, ponuda ne ispunjava zahtjeve iz tenderske dokumentacije;



z) Datum završetka postupka pregleda i ocjene ponuda: Komisija je završila pregled i ocjenu ponuda dana 12.03.2018. godine;

aa) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Senada Lizde, predsjednik komisije

Pero Vukoja, član komisije

Mario Rotim, član komisije

Za sekretara Komisije imenovana je Ružica Sablijić;

bb) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):

- Ovaj zapisnik nema priloga



Saglasan:

Adnan Terzić, dipl.ing
direktor



Identifikacijski broj: 4227601640006 PDV broj: 227691640005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200082470038
Federalna taksa za korištenje autoceste: 1610200082470232 i 3386902296565422
Naknada za korištenje cestovnog zemljišta: 1610200082470135 i 3386902296564649

AD